

Na osnovu člana 54. stav 2. tačka 2. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05) i čl. 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), a vezi sa članom 23. Zakona o Agenciji za prevenciju korupcije i koordinaciju borbe protiv korupcije ("Službeni glasnik BiH", broj 103/09 i 58/13), Vlada Kantona Sarajevo je, na 112. sjednici održanoj 02.02.2018. godine, donijela

## UREDBU

### O OSNIVANJU UREDA ZA BORBUTIV KORUPCIJE I UPRAVLJANJE KVALITETOM KANTONA SARAJEVO

#### Član 1.

(Predmet)

Ovom uredbom osniva se i utvrđuje djelokrug rada i nadležnosti Ureda za borbu protiv korupcije i upravljanje kvalitetom Kantona Sarajevo (u daljnjem tekstu: Ured), kao stručne službe Vlade Kantona Sarajevo (u daljnjem tekstu: Vlada), uređuje rukovođenje Uredom, kao i druga pitanja od značaja za organizovanje i funkcionisanje Ureda.

#### Član 2.

(Djelokrug rada i nadležnosti)

- (1) Ured vrši stručne, operativne i administrativno tehničke poslove u vezi sa:
  - a) aktivnostima na prevenciji korupcije, kao i prikupljanju podataka i prijavljivanju nadležnima uočenih koruptivnih aktivnosti u Kantonu Sarajevo, i
  - b) uspostavljanjem, provođenjem i kontrolom sistema upravljanja kvalitetom u organima uprave i službama Kantona Sarajevo.
- (2) Ured je samostalan i nezavisan u obavljanju poslova iz svog djelokruga u skladu sa odredbama ove uredbe.

#### Član 3.

(Aktivnosti iz oblasti borbe protiv korupcije)

Aktivnosti Ureda na prevenciji korupcije, kao i prikupljanju podataka i prijavljivanju nadležnima uočenih koruptivnih aktivnosti u Kantonu Sarajevo odnose se na:

- a) prikupljanje podataka o realizaciji aktivnosti iz domena borbe protiv korupcije (utvrđenih propisima, akcionim planovima i drugim strateškim dokumentima i/ili aktima Vlade) od svih kantonalnih institucija navedenih u članu 10. stav (1) ove uredbe;
- b) objedinjavanje prikupljenih podataka, sačinjavanje analize i izvještavanje nadležnih u skladu sa ovom uredbom;
- c) postupanje po prijavama prema institucijama u svrhu provjere, prikupljanja podataka i prosljeđivanja istih prema nadležnim organima i institucijama;
- d) uspostavljanje i upravljanje bazama podataka koje za cilj imaju prevenciju ili otkrivanje koruptivnih aktivnosti;
- e) davanje preporuka i smjernica za provedbu propisa i strateških dokumenata iz domena borbe protiv korupcije;
- f) koordinaciju između svih subjekata obuhvaćenih strateškim planovima borbe protiv korupcije kao i saradnju i koordinaciju sa Agencijom za prevenciju korupcije i koordinaciju borbe protiv korupcije i ostalim pravnim subjektima, organima i organizacijama koje su nadležne u postupanju u oblasti borbe protiv korupcije, kao i pravosudnim organima;
- g) organizovanje aktivnosti u vezi sa prevencijom korupcije, kao i prijavljivanjem korupcije i koruptivnih aktivnosti;
- h) organizovanje okruglih stolova, medijskih i drugih kampanja usmjerenih na preveniranje i suzbijanje koruptivnih aktivnosti;

- i) predlaganje izmjena i dopuna propisa i strateških dokumenata Vladi, a koji se odnose na segment borbe protiv korupcije.

#### Član 4.

(Aktivnosti iz oblasti upravljanja kvalitetom)

Aktivnosti Ureda na uspostavljanju, provođenju i kontroli sistema upravljanja kvalitetom u organima uprave i službama Kantona Sarajevo odnose se i na:

- a) analizu procesa rada kantonalnih organa uprave, kantonalnih upravnih organizacija i stručnih službi;
- b) izradu potrebne dokumentacije za kvalitet;
- c) pripremanje i predlaganje odluka u vezi sa sistemom upravljanja kvalitetom i drugim odgovarajućim standardima;
- d) ostvarivanje saradnje s nevladinim sektorom, u ime Vlade i iniciranje donošenja akata za provođenje Sporazuma o saradnji Vlade i nevladinog sektora u Kantonu Sarajevo;
- e) saradnju i koordinaciju sa konsultantskim i certifikacijskim firmama;
- f) kontrolu provođenja, održavanja i unapređenja sistema upravljanja kvalitetom i drugih odgovarajućih standarda;
- g) koordinaciju sistema upravljanja kvalitetom i drugih odgovarajućih standarda u kantonalnim organima;
- h) obavljanje i drugih stručnih i administrativnih poslova koji se odnose na uvođenje i održavanje sistema upravljanja kvalitetom i drugih odgovarajućih standarda.

#### Član 5.

(Rukovođenje Uredom)

- (1) Uredom rukovodi šef Ureda kojeg imenuje Vlada u skladu sa Zakonom o državnoj službi u Kantonu Sarajevo ("Službene novine Kantona Sarajevo", broj: 31/16) (u daljnjem tekstu: Zakon) i drugim propisima koji uređuju ovu oblast.
- (2) Šef Ureda ima status rukovodioca Ureda, kao stručne službe Vlade, a u smislu člana 10. stav (1) tačka a) Zakona.
- (3) U slučaju spriječenosti ili odsutnosti šefa Ureda, u poslovima rukovođenja Uredom zamjenjuje ga državni službenik kojeg on ovlasti.

#### Član 6.

(Izvještavanje o radu)

Šef Ureda dužan je podnositi izvještaj o radu Ureda Vladi, najmanje jednom godišnje.

#### Član 7.

(Pravilnik o unutrašnjoj organizaciji)

- (1) Unutrašnja organizacija Ureda utvrđuje se Pravilnikom o unutrašnjoj organizaciji, u skladu sa Zakonom i drugim podzakonskim propisima koji uređuju ovu oblast.
- (2) Pravilnik o unutrašnjoj organizaciji Ureda donosi šef Ureda, uz saglasnost Vlade.
- (3) U provođenju pojedinih aktivnosti iz nadležnosti Ureda, šef Ureda ovlašten je u pojedinim složenim slučajevima, angažovati i stručna lica u izvršavanju tih poslova, a u skladu sa raspoloživim finansijskim sredstvima Ureda.

#### Član 8.

(Sredstva za rad)

- (1) Ured ima svojstvo pravnog lica.
- (2) Sredstva za rad Ureda utvrđuju se:
  - a) u Budžetu Kantona Sarajevo,
  - b) putem grantova i/ili donacija, kao i
  - c) na drugi način propisan zakonom.

#### Član 9.

(Saradnja sa Uredom)

- (1) Sve institucije kojima je osnivač Kanton Sarajevo (organi uprave, službe, upravne organizacije, pravosudne institucije, javne ustanove, zavodi, vanbudžetski fondovi, javna preduzeća i sl. kojima je osnivač Kanton Sarajevo ili u kojima Kanton Sarajevo ima osnivačka prava) dužne su saradivati sa Uredom u provođenju aktivnosti iz djelokruga rada Ureda, a koje su utvrđene u čl. 3. i 4. ove uredbe.

- (2) Saradnja se posebno odnosi na obavezu institucija iz stava (1) ovog člana da prioritarno omogućuje zaposlenicima Ureda pristup cjelokupnoj dokumentaciji (neposredno, na licu mjesta ili posredno, dostavom dokumentacije na zahtjev Ureda) radi obavljanja poslova iz nadležnosti Ureda.
- (3) U cilju potpunog uspostavljanja funkcije Ureda u smislu izvršavanja aktivnosti na prevenciji korupcije, kao i prikupljanju podataka i prijavljivanju nadležnima uočenih koruptivnih aktivnosti u Kantonu Sarajevo, Ured će usko saradivati i koordinirati aktivnosti sa Timom Vlade Kantona Sarajevo za borbu protiv korupcije (u daljnjem tekstu: Tim), posebno u smislu provedbe Akcionog plana Vlade Kantona Sarajevo za borbu protiv korupcije 2015-2019, a sve do isteka mandatnog perioda na koji je Tim imenovan.
- (4) Ured će usko saradivati i koordinirati aktivnosti sa institucijama i organima na svim nivoima vlasti, kao i sa jedinicama lokalne samouprave na području Kantona Sarajevo (Grad Sarajevo i opštine), u skladu sa strateško-planskim dokumentima svih nivoa vlasti.

Član 10.

(Povjerljive informacije)

- (1) Povjerljive informacije su podaci, činjenice i okolnosti koje su zaposlenici Ureda saznali na osnovu obavljanja poslova iz svoje nadležnosti i/ili ako je Ured iste primio od drugog nadležnog tijela (u daljem tekstu: "povjerljive informacije").
- (2) Povjerljive informacije smatraju se službenom tajnom.
- (3) Povjerljive informacije se smiju otkriti samo Vladi kao predstavniku osnivača, te nadležnim institucijama u svrhu eventualnog provođenja postupaka iz njihove nadležnosti (sudovima, tužilaštvima, revizorima u postupcima revizije i sl.).

Član 11.

(Prelazne odredbe)

- (1) Danom stupanja na snagu ove uredbe, Ured nastavlja sa radom sa novim djelokrugom rada i nazivom.
- (2) Ured je pravni sljednik Ureda za kvalitet Kantona Sarajevo osnovanog Uredbom o osnivanju Ureda za kvalitet Kantona Sarajevo ("Službene novine Kantona Sarajevo", broj: 28/06 - Prečišćeni tekst i 15/10) i kao takav preuzima državne službenike, arhivu, dokumentaciju i sredstva za rad, odnosno sva prava i obaveze koje je isti imao na dan stupanja na snagu ove uredbe.
- (3) Danom stupanja na snagu ove uredbe, šef i drugi zaposlenici Ureda nastavljaju obavljati svoje poslove i radne zadatke, u skladu sa rješenjima o postavljanju i raspoređivanju, koje je neophodno uskladiti sa odredbama ove uredbe.
- (4) Danom stupanja na snagu ove uredbe, šef Ureda za kvalitet Kantona Sarajevo nastavlja obavljati poslove kao šef Ureda za borbu protiv korupcije i upravljanje kvalitetom Kantona Sarajevo.

Član 12.

(Provedbeni akti)

Pravilnik o unutrašnjoj organizaciji šef Ureda će donijeti u roku od 60 dana od dana stupanja na snagu ove uredbe.

Član 13.

(Stavljanje van snage ranijeg propisa)

Stupanjem na snagu ove uredbe, stavlja se van snage Uredba o osnivanju Ureda za kvalitet Kantona Sarajevo ("Službene novine Kantona Sarajevo", broj: 28/06 - Prečišćeni tekst i 15/10).

Član 14.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-05-1915-16/18  
02. februara 2018. godine  
Sarajevo

Premijer  
**Elmedin Konaković**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj: 36/14 - Prečišćeni tekst i 37/14 - Ispravka), članova 14. i 21. Zakona o obrazovanju odraslih ("Službene novine Kantona Sarajevo", broj 40/15) i član 14. Zakona o ustanovama ("Službeni list Republike BiH", broj: 6/92, 8/93 i 13/94), Vlada Kantona Sarajevo, na 112. sjednici održanoj 05.02.2018. godine, donijela je

**ODLUKU**

1. Prihvata se Završni izvještaj sa stručnim mišljenjem o društvenoj opravdanosti za osnivanje, rad i statusne promjene pravnog subjekta za obrazovanje odraslih - "BH CENTAR ZA OBRAZOVANJE" koji je sačinila Ekspertna komisija za razmatranje zahtjeva i Elaborata, te davanja stručnog mišljenja o društvenoj opravdanosti za osnivanje, rad i statusne promjene pravnog subjekta za obrazovanje odraslih - "BH CENTAR ZA OBRAZOVANJE", koju je imenovao ministar za obrazovanje, nauku i mlade Kantona Sarajevo.
2. Daje se saglasnost na Elaborat o opravdanosti osnivanja, rad i statusne promjene pravnog subjekta za obrazovanje odraslih - "BH CENTAR ZA OBRAZOVANJE".
3. Daje se prethodna saglasnost za obavljanje djelatnosti obrazovanja odraslih i pokretanje procedure za proširenje djelatnosti "BH CENTAR ZA OBRAZOVANJE".
4. Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-1915-17/18  
05. februara 2018. godine  
Sarajevo

Premijer  
**Elmedin Konaković**, s. r.

Na osnovu čl. 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i broj 37/14 - Ispravka) i člana 146., a u vezi sa članom 178. stav (7) Zakona o srednjem obrazovanju ("Službene novine Kantona Sarajevo", broj 23/17), Vlada Kantona Sarajevo je, na 113. sjednici održanoj 08.02.2018. godine, donijela

**ODLUKU**

**O DAVANJU SAGLASNOSTI ZA IMENOVANJE  
DIREKTORA JAVNE USTANOVE SREDNJA  
GRAĐEVINSKO-GEODETSKA ŠKOLA**

**I**

Daje se saglasnost Školskom odboru Javne ustanove Srednja građevinsko-geodetska škola, da se Ramović Hajrudin, dipl. ing. hemije, imenuje za direktora Škole.

**II**

Ova Odluka stupa na snagu danom donošenja, a objavit će se u "Službenim novinama Kantona Sarajevo".

Broj 02-05-2820-7/18  
08. februara 2018. godine  
Sarajevo

Premijer  
**Elmedin Konaković**, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i broj 37/14 - Ispravka) i člana 19. Zakona o predškolskom odgoju i obrazovanju u Kantonu Sarajevo ("Službene novine Kantona Sarajevo", br. 26/08 i 21/09), Vlada Kantona Sarajevo je, na 112. sjednici održanoj 08.02.2018. godine, donijela

**ODLUKU**

**O DAVANJU PRETHODNE SAGLASNOSTI ZA  
OSNIVANJE PREDŠKOLSKE USTANOVE  
"TOM & JERRY PRIJATELJI DJECE"**

**I**

Daje se prethodna saglasnost Lejli Selimović iz Sarajeva, kao osnivaču, privatne Predškolske ustanove "Tom & Jerry prijatelji